



中武  
186  
12

門 七武  
浦 186  
卷 12

岡氏  
齋

岡氏  
齋

辨證錄卷之十二

松井家藏

中館遺書

清 山陰 陳士鐸敬之甫著

大日本 長崎 淺井俊元民甫校

安胎門

婦人小腹作痛胎動不安如下墜之狀人以為帶脉之無力也誰知脾腎兩虧乎夫胞胎雖係於帶脉而帶脉實關於脾腎二經虧損則帶脉力微胞胎何能勝任乎然人致脾腎之虧者非因於飲食之過多即由於色慾之太甚不補脾補腎而帶脉迫急胞胎所以下墜也第胞胎通於心腎不通於脾補腎可也何必補脾不知脾胃為後天腎為先天脾非先天之氣不能化腎非後天之氣不能生補腎不補脾則腎之精正不能遽生也補後天之脾正所以補先天之腎補先後天之脾腎正所以固胞胎

辨證錄 卷之十二 安胎 一

之氣蓋胞胎原備先後天之氣安可不兼補先後天脾胃哉方用安奠二天湯人參一兩白朮一兩熟地一兩山茱萸五錢山藥五錢炙甘草一錢杜仲三錢枸杞子二錢扁豆二錢水煎服一劑痛定二劑胎安不必三劑夫胎動乃脾胃雙虧之症必須大用參朮熟地補陰補陽之味始能挽回於頃刻世人往往畏用參朮或少用以冀建功反致寡效此方正妙在多用也

用娛親湯

亦效

熟地一兩白朮一兩甘草一錢人參五錢杜仲五錢山藥五錢水煎服

婦人懷妊至三四月自覺口乾舌燥咽喉微痛無津以潤以致胎動不安甚則血流如經水人以爲火動之故也誰知水虛之故乎夫胎非男精不結亦非女精不成逐月養胎古人每分經絡其實不能離腎水以養之也故腎水足而胎安腎水缺而胎動

又必腎火動而胎始不寧蓋火之有餘仍是水之不足火旺動胎補腎水則足以安之矣惟是腎水不能遽生必須上補肺金則金能生水而水有化源無根之火何難制乎方中少加清熱之品則胎氣易安方用潤燥安胎湯熟地一兩山茱萸五錢益母草二錢黃芩一錢麥冬五錢生地三錢阿膠一錢五味子二分水煎服二劑燥減又二劑胎安連服十劑胎不再動矣此方專添腎中之精雖兼於治肺然補肺無非補腎故腎經不燥火不燦胎安得而不寧靜乎

用遏炎散

亦效

熟地一兩玄參地骨皮麥冬各五錢北五味子甘草各一錢貝母五分炒棗仁五錢水煎服

婦人有上吐下瀉以致胎動下墜痛疼難忍急不可緩人以爲脾胃之寒極也誰知脾胃之虛極乎夫脾胃氣虛則胞胎無力必

有崩墜之虞，况加之吐下瀉，則脾胃愈虛，欲胞胎無恙得乎。然而胞胎雖疼痛，而猶不下者，蓋脾胃雖損，而腎氣尚固也。胞胎系於腎，而連於心，腎未損則腎氣交於心，心氣通於胞胎，所以未至於胎墜也。且腎氣能固，則腎之氣必來生脾，心氣能通，則心之氣必來援胃，脾胃雖虛而未絕，則胞胎雖動而未落耳。治法可不急救其脾胃乎。然而脾胃將絕，止救脾胃，而土氣難生，更補助其心腎之火，則火能生土，尤易接續也。方用援土固胎湯：人參一兩、白朮二兩、肉桂二錢、山藥一兩、附子五分、炙甘草一錢、杜仲三錢、續斷三錢、枸杞子三錢、山茱萸一兩、兔絲子三錢、砂仁三粒，水煎服。一劑瀉止，二劑吐止，腹中疼痛急迫無不盡止也。此方救脾胃之土十之八，救心腎之火十之二。救火輕於救土者，豈土欲絕而火未絕乎。不知土崩非重劑不能援。

火息雖小劑亦可助，熱藥多用，必有大燥之虞，不比溫補之品，可以多用。况懷妊胎動，原係土衰，非係火衰也，何必用大熱之劑，過於助土，以傷胎氣哉。

用脾胃兩安湯亦效

白朮五錢、白茯苓人參各三錢、陳皮五分、砂仁一粒、山藥一兩、薏仁五錢，水煎服。

婦人有懷抱憂鬱，以致胎動不安，兩脅悶痛，如子上懸，人以為子懸之病，誰知是肝氣之不通乎。夫養胎半係腎水，然非肝血相助，則腎水亦必有獨力難支之勢，使肝經不鬱，則肝氣不閉，而肝血亦舒，自然灌注於胞胎，以助腎水之不足。今肝因憂鬱，則肝且閉塞不通，子無血蔭，安得不上升，以覓食乎。此子懸之所必至，乃氣使之升，非子之欲自懸也。治法不必治子懸以瀉子，但開肝氣之鬱結，補肝血之燥乾，則子懸自定。方用解懸湯，白

芍一兩、當歸一兩、炒梔子三錢、枳壳五分、砂仁三粒、白朮五錢、人參一錢、茯苓三錢、薄荷二錢、水煎服。一劑悶痛除，二劑子懸定，三劑全安。去梔子，多服數劑尤妙。此方乃平肝解鬱之聖藥。鬱開而肝不去，尅土，肝平而水不去，生火。况方中又有健脾胃之藥，自然水穀生精，四布各藏，肝腎有潤澤之機，胞胞胎自無乾澀之患，何至嬰兒之上懸哉。

用通肝散

亦佳

白芍一兩、歸身川芎、茯苓各三錢、鬱金、薄荷各一錢、香附、神曲各二錢、陳皮三分、蘇葉五分、白朮五錢、水煎服。

婦人有跌閃，失足以致傷損，胎元因而疼痛，人以為外傷之故也。誰知仍是內傷之故乎。凡人跌撲閃挫，亦能動胎。若作跌閃外治，未能奏功，且有因治反墮者，必須大補氣血，少加行動之味。

則瘀血自散，胎又得安。然補血宜多，補氣宜少。方用救損湯治之。歸身五錢、白芍三錢、白朮五錢、人參一錢、生地一兩、甘草一錢、蘇木三錢、乳香末一錢、沒藥末一錢、水酒煎服。一劑疼痛止，二劑胎不墮矣。不必三劑。此方既能去瘀，又不傷胎。蓋補血補氣，復無停滯之憂，更少通滑之害。治無胎之跌閃，可建奇功。治有胎之跌閃，尤有殊績者也。

亦可用救傷散治之

歸身熟地各一兩、白朮白芍生地杜仲各五錢、甘草一錢、丹皮二錢、水煎服。

婦人有胎，雖不動，腹亦不疼，然時常有血流出，人以為血虛胎漏也。誰知氣虛不能攝血乎。夫血能蔭胎，胎中之血必藉氣以包之。氣虛下陷，血乃隨氣亦陷矣。夫氣虛則血必旺，血旺則血必熱，血寒則靜，血熱則動。動則必有躍躍欲出之兆。况加氣虛，安

得不漏泄乎，猶幸其氣之虛也。倘氣旺血熱，則血必大崩，不止。此些之漏出矣。治法補氣之不足，瀉火之有餘，則血不必止而自止。方用助氣補漏湯：人參一兩，甘草一錢，白芍五錢，黃芩三錢，生地三錢，益母草二錢，續斷二錢。水煎服，一劑血止，再劑不再漏也。此方用人參以補陽氣，用黃芩以瀉陰火。火瀉則血不熱，無欲動之機，氣補則血能包，無可漏之竅，自然氣攝血而血歸經，寧有漏洩之患哉。

用攝血丹

亦效

黃芪白朮各五錢，人參二錢，甘草荆芥破故紙各一錢，續斷二錢，白果一枚，水煎服。

婦人有懷妊，至七八月，忽然見啼腹中，腹亦隱隱作痛，人以為胎熱之故也。誰知氣虛之故乎？夫兒在胎中，母呼亦呼，母吸亦吸，未嘗有一刻之間斷也。然嬰兒至七八月，母之氣必虛，兒不能

隨母之氣以呼吸，則子失母氣而作啼矣。腹中聲啼，似乎可異，其實不必異也。治法大補其氣，使母之氣能哺於子，則子之氣既安，而子之啼亦息。方用止啼湯：人參二兩，黃芪二兩，當歸五錢，麥冬一兩，橘紅五分，甘草一錢，天花粉一錢。水煎服，一服即止啼，二服斷不再啼也。此方用參芪歸冬以補肺氣，以肺主氣也。肺氣旺，而胞胎之氣不弱，胞中之子自安矣。所以三劑而奏功耳。

用接氣飲

亦效

人參白朮黃芪麥冬各五錢，茯苓三錢，當歸三錢，貝母神曲各一錢，炮薑五分，水煎服，一劑即止啼，四劑不發。

婦人有口渴出汗，大飲凉水，煩燥發狂，腹痛腰疼，以致胎動欲墮。此乃胃火熾炎，熬乾胞胎之水故耳。夫胃為水穀之海，多氣多

謹而火一字

辨證錄 卷之十一  
血以養各藏府者也。萬物皆生於土，土氣厚而物生，因土中有火也。然則火在胃中，宜乎生土，何以火盛反致太乾以害土乎？不知無火難以生土，而火又能燬水也。土中有火，則土不死，土中無水，則為焦土，使胃火過旺，必致先燬腎水，而土中燥裂，何以分潤於胞胎哉？土燬之極，火勢炎蒸，犯心而神越，以致嬰兒逼迫，安得不下墮乎？治法必須急瀉其火，濟之以水，水旺而火自衰，火衰而胎自定也。方用止楚定胎飲，玄參二兩，甘菊三錢，青蒿五錢，茯苓二錢，生地一兩，知母二錢，白朮五錢，人參三錢，天花粉二錢，水煎服。一劑狂少平，二劑狂大定，三劑火盡解胎亦安也。不必四劑，此方藥料頗大，恐有不勝之憂，第懷妊而火盛若此，非用大劑之藥，火不肯息，狂不肯止，而胎不肯寧也。然而藥料雖多，均是補水之味，亦正有益無損，不必顧忌耳。

用滋胎飲

亦效

麥冬二兩，黃芩三錢，生地歸身各一兩，天花粉二錢，甘草一錢，水煎服。二劑狂定，四劑愈。

婦人懷子在身，痰多吐涎，偶遇鬼祟，忽然腹痛，胎向上頂，人以為子懸之病也。誰知亦有中惡，而胎不寧乎？凡不止之氣，最能傷胎，蓋陰邪陽祟，多在神宇，潛踪幽陰，岩洞實其往來之所，觸之最易相犯，故孕婦不可不戒也。治法似宜治痰為主，然而治痰必至耗氣之虛，則痰雖消化，胎必動搖，必須補氣以生血，補血以活痰，少加消痰之味，則氣血不虧，痰又易化。方用消惡安胎湯，白朮五錢，甘草一錢，白芍一兩，陳皮五分，蘇葉一錢，沈香末一錢，乳香末一錢，天花粉三錢，當歸一兩，人參三錢，茯苓五錢，水煎調服。一劑腹痛定，鬼神亦遠矣。此方大補氣血，惟圖顧本，正足而邪自消，痰清而胎自定也。

用散惡護胎丹亦效

人參三錢、茯苓五錢、白朮五錢、半夏一錢、貝母一錢、甘草一錢、白微一錢、管仲三錢、木煎服、一服胎安

婦人懷妊之後，未至成形，或已成形，其胎必墮，而性又甚急，時多怒氣，人以為氣血之衰，不能固胎，誰知肝火之盛，常動而不靜乎。蓋木中實有相火也，相火宜靜，不宜動，靜則安，動則熾，然而木中之火，又最易動而難靜，况加大怒，則火更動，而不可止遏，火勢飛揚，不能生氣化胎，反致食氣傷精，自然難蔭而易墮，治法必須平其肝中之火，大利其腰臍之氣，使氣生血，而血清其火也。方用利氣瀉火湯：白朮十兩、當歸二錢、甘草一錢、黃芩二錢、人參三錢、白芍五錢、熟地五錢、芡實三錢、水煎服。服二月胎不墮矣。此方名為利氣，其實乃補氣也。補氣而不加之瀉火之藥，則氣旺而火不能平，轉害夫氣矣。加黃芩於補氣之中，益以

熟地歸芍之滋肝，則血不燥，而氣益和，氣血既和，不必利氣而無不利矣。况白朮最利腰臍者哉。

用息怒養姪

湯亦佳

白芍二兩、茯苓五錢、人參三錢、陳皮五分、甘草一錢、熟地一兩、生地五錢、白朮五錢、神曲一錢、木煎服



婦人因行房顛狂，遂至小產，血崩不止，人以為火動之極也。誰知  
 是氣脫之故乎。凡懷孕婦人，惟藉腎水蔭胎。水原不足，水不足  
 而火易沸，加之久戰不已，則火必大動。若至顛狂，則精必大泄，  
 腎水益乾，腎火愈熾，水火兩病，胎何能固。胎墮而火猶未息，故  
 血隨火崩，有不可止之勢。治法自當以止血為主，然而火動，由  
 於水虧，血崩本於氣脫，不急固其氣，則氣散不能速回，血將何  
 生。不大補其精，則精涸不能遽長。火且益熾，方用固氣填精湯  
 治之。人參一兩，熟地一兩，白朮五錢，當歸五錢，黃芪一兩，炒黑  
 荆芥二錢，三七根末三錢，水煎調服。一劑血止，再劑身安。四劑  
 全愈。此方全不清火，惟補氣補精，救其匱乏，奏功獨神者。以諸  
 藥甘溫，能除大熱也。蓋此熱乃虛熱，非實熱耳。實熱可以寒折

小產門

婦人因行房顛狂，遂至小產，血崩不止，人以為火動之極也。誰知  
 是氣脫之故乎。凡懷孕婦人，惟藉腎水蔭胎。水原不足，水不足  
 而火易沸，加之久戰不已，則火必大動。若至顛狂，則精必大泄，  
 腎水益乾，腎火愈熾，水火兩病，胎何能固。胎墮而火猶未息，故  
 血隨火崩，有不可止之勢。治法自當以止血為主，然而火動，由  
 於水虧，血崩本於氣脫，不急固其氣，則氣散不能速回，血將何  
 生。不大補其精，則精涸不能遽長。火且益熾，方用固氣填精湯  
 治之。人參一兩，熟地一兩，白朮五錢，當歸五錢，黃芪一兩，炒黑  
 荆芥二錢，三七根末三錢，水煎調服。一劑血止，再劑身安。四劑  
 全愈。此方全不清火，惟補氣補精，救其匱乏，奏功獨神者。以諸  
 藥甘溫，能除大熱也。蓋此熱乃虛熱，非實熱耳。實熱可以寒折

虛熱、必須溫補、故補氣自能攝血、補精自能止血也。

用固氣止脫

湯亦效

人參熟地山茱萸各一兩、白朮麥冬各五錢、甘草一錢、丹皮三錢、水煎服。

婦人因跌撲閃損、遂至小產、血流紫塊、昏暈欲絕、人以為瘀血之作祟也、誰知是血室傷損乎、夫婦人血室、與胞胎相連、胞胎損而血室亦損、然傷胞胎而流血者、其傷淺、傷血室而流血者、其傷深矣、傷淺者、漏在腹、傷深者、暈在心、同一跌閃之傷也、未小產與已小產、治各不同、未小產而胎不安者、宜顧其胎、不可輕去其血、已小產而血大崩者、宜散其血、不可重傷其氣、蓋胎已墮矣、血既盡脫、則血室空虛、惟氣存耳、倘又傷其氣、保無氣脫之憂乎、故必須補氣以生血、新血生而瘀血可止也、方用理氣止瘀湯、人參一兩、黃芪一兩、當歸五錢、紅花一錢、丹皮三錢、炒

黑乾姜五分、茯苓三錢、水煎服、一劑瘀血止、二劑昏暈除、三劑全安、此方用人參黃芪以補氣、氣旺而血可攝也、用當歸丹皮以補血、血生而瘀難留也、用紅花黑姜以活血、血活而暈可除也、用茯苓以利水、水流而血易歸經也。

用加味補血

湯亦神

黃芪二兩、當歸人參各一兩、丹皮三錢、荆芥三錢、益母草三錢、水煎服。

婦人懷娠、口渴煩躁、舌上生瘡、兩脣腫裂、大便乾結、至數日不通、以致腹痛小產、人以為大腸之火也、誰知是血熱燦胎乎、夫血所以養胎者也、然血溫則胎受其利、血熱則胎受其損、兒在胞中、不啻如探湯之苦、如何存活、自然外越下奔、以避炎氛之逼耳、夫血乃陰水所化、血日蔭胎、則取給甚急、陰水不能速生、以變血、則陰虛火動、陰中無非火氣、則血中亦無非火氣矣、兩火

相合、焚逼兒胎、此胎之所以下墮也、治法清胞中之火、補腎中之精、始可矣、蓋胎中純是火氣、此火乃虛火、非實火也、實火可瀉、虛火宜於補中清之、倘一味用寒涼之藥、以降其火、全不顧胎之虛實、勢必寒氣逼人胃中、生氣蕭索、何以化精、微以生陰水乎、不變為癆瘵者、幾希矣、方用四物湯、加減治之、熟地五錢、白芍三錢、川芎一錢、當歸一兩、山茱萸二錢、山藥三錢、梔子一錢、丹皮二錢、水煎服、連服四劑、餘血淨、而腹痛全消、

用生地飲

亦神

生地二兩、於未小產前救之、若已小產、此方亦可用、或減半用之、尤為萬安也、

娠婦有畏寒腹痛、因而落胎者、人以為下部太寒也、誰知氣虛而又加寒犯、遂至不能攝胎而下墮乎、夫人生於火、亦養於火、然火非氣不充、氣旺而後火旺、氣衰則火不能旺矣、人之坐胎者、

受父母先天之火也、先天之火即先天之氣成之、故胎成於氣、亦攝於氣、氣旺則胎牢、氣衰則胎弱、胎日加長、氣日加衰、安得不墮哉、况遇寒氣之外侵、則內之火氣更微、當其腹痛時、即用人參乾姜之藥、則痛止胎安、無如人之不敢用也、因致墮胎、僅存幾微之氣、不急救其氣、用何法以救之乎、方用黃芪補血湯、黃芪二兩、當歸二兩、肉桂五分、水煎服、一劑而血止、二劑而氣旺、庶不致有垂絕之憂也、倘認定是寒、大用辛熱之品、全不補其氣血、則過於燥熱、必至亡陽、又為可危耳、

用加味參朮湯亦效

人參一兩、白朮五錢、甘草一錢、肉桂一錢、白扁豆三錢、水煎服

娠婦有大怒之後、忽然腹痛、因而墮胎、及胎墮之後、仍然腹痛者、人以為肝經之餘火未退也、誰知血不歸經而痛乎、夫肝藏血、

大怒則血不能藏宜失血而不宜墮胎胡為血失而胎亦墮乎  
 不知肝性最急血門不閉其血直搗於胞胎而胞胎之系通於  
 心腎之間肝血來衝心腎路斷而胎氣一時遂絕此胎之所以  
 墮也胎既墮而血猶未盡故餘痛無已也治法引其肝血仍入  
 於肝中而腹痛自止然而徒引肝血不平其肝木之氣則氣逆  
 不易轉即血逆不易歸也方用引氣歸血湯白芍五錢當歸五  
 錢炒黑荆芥三錢白朮三錢丹皮三錢炒黑乾姜五分香附五  
 分鬱金一錢甘草一錢麥冬三錢水煎服此方名為引氣其實  
 仍皆引血也氣血兩歸腹猶作痛余不信也

用歸經佛手

散亦神

當歸一兩川芎白朮各五錢荆芥三錢炒黑乾  
 姜一錢甘草一錢人參三錢熟地一兩水煎服

鬼胎門

婦人有懷妊終年不產面色黃瘦腹如斗大肌膚消削常至二三年未生者此鬼胎也或入神廟山林起交感之念皆能召祟成胎幸其人不至淫蕩見祟驚惶遇合愧慙則鬼祟不能久戀一交構而去然而淫氣妖氛已結於腹遂成鬼胎其先人尙未覺迨後漸漸腹大蓋人身之氣血不行內外相包一如懷胎之兆有似血臙之形其實非胎非臙也治法必用逐穢之藥為主但人至懷胎數年即非鬼胎其氣血必衰况非真妊則邪氣甚旺正不敵邪虛弱可知烏可以迅利之藥竟用祛蕩乎自必從補中逐之為得方用蕩鬼湯雷丸三錢大黃一兩紅花三錢枳壳一錢厚朴一錢桃仁二十粒當歸一兩人參一兩牛膝三錢丹皮三錢水煎服一劑腹必大鳴瀉出惡物半桶再服一煎又瀉

惡物而愈斷不可用三劑也此方用雷丸以祛穢又得大黃之掃除佐之紅花厚朴等藥皆善行善攻之品亦何邪能留於腹中自然盡情逐下然用參歸以補氣血則邪去而正又不傷否則單用雷丸大黃以迅下之必有血崩氣脫之害矣倘或自知鬼胎如室女寡婦之人一旦成形雖邪氣甚盛而真氣未漓可用岐天師新傳紅黃霹靂散紅花半斤大黃五錢雷丸三錢水煎服亦能下胎然未免過傷血氣不若蕩鬼湯有益無損之更佳也亦在人斟酌而善用之耳

用追崇丹亦神效

大黃五錢枳實三錢丹皮一兩紅花半斤附子二錢當歸尾一兩人參五錢牛膝五錢麝香一錢鱉甲一兩半夏三錢南星三錢桃仁十四粒水煎服一劑而胎破矣不須二劑瀉出惡物之後單用當歸三兩紅花一兩水煎服自然敗血淨而新血生也連用四劑自慶安然

難產門

婦人腹痛數日不能生產人以爲氣虛力弱不能送子出產門也誰知血虛膠滯胎中無血兒不易轉身乎夫胎之成由於腎之精而胎之養半資於五臟六腑之血故血旺者子易生血衰者子難產所以臨產之前必須補血雖血難驟生補氣正所以生血也然徒補其氣不兼補其血則陽過於旺而陰反不足偏勝之害恐有升而不降之虞故又宜氣血之兼補氣能推送而血又足以濟之則汪洋易於轉頭何至有膠滯之憂哉方用送子丹治之黃芪一兩當歸一兩川芎三錢熟地五錢麥冬一兩水煎服二劑子生且無橫生倒養之病此方補氣補血之藥也二者相較補血重於補氣補氣止有黃芪其餘無非補血之品無論氣血兩平陰陽交泰易於生產而血旺於氣則胞胎之內無

非血也、譬如舟遇水淺之區、雖用盡人功、終難推動、忽得春水、行又遇順風之送、有不揚帆而迅走者乎、血猶泛濫、則舟能自水也、氣猶風也、無水則風雖順、何益哉、故補氣必須補血耳、

用麥冬升麻

湯亦效

麥冬四兩、升麻二錢、水煎服、而兒身即轉、易於速下也、

婦人有兒、已到門、竟不能產、此危急存亡之時、人以為胞胎先破、水不能推送之、故誰知交骨不開乎、蓋產門之上原有骨一塊、兩相關合、未產之前、其骨自合、將產之際、其骨自開、故交骨為兒門之關、亦為婦人陰門之鍵、然其能開能合者、氣血主之也、無血而兒門自閉、無氣而兒門不開、欲兒門之開闔、必須交骨順滑、自非大補氣血、不可、然而閉之甚易、開之甚難、其不開者、因產前之貪色也、過於泄精、則氣血大虧、交骨粘滯、而不易開、

故開交骨、必須於補氣補血之中、用開交骨之藥、兩相合治、不必推、生子自迅下、方用降子散、當歸一兩、人參五錢、川芎五錢、紅花一錢、牛膝三錢、柞木枝一兩、水煎服、一劑兒門一響响亮、骨如解散、子乃直降矣、此方用人參補氣、用歸芎補血、用紅花活血、用牛膝下降、用柞木開關、君臣佐使、同心協力、所以取效甚神、用開於補之內也、雖單服柞木、亦能骨開、但無補氣補血之藥、則開不易合、兒門不關、不無風入之憂、不若用此方、而能開能閉之為妙也、至於兒未到門、萬不可先用柞木以開其門、然用降子散、亦正無礙、以其補氣補血耳、若單用柞木、必須俟兒頭到門、而後用之也、

用突門散

亦效

黃芪二兩、敗龜板一箇、搗碎、牛膝川芎各五錢、附子三分、水煎服、一劑而兒門開、兒即生矣、加當歸亦可、

加人參  
更神

婦人生產有脚先下者、有手先出者、人以為橫生倒產、至危之病、誰知氣血甚衰之病乎、凡兒在胎中、兒身正坐、惟男向內坐、女向外坐、及至生時、則頭必旋轉而後生、此天地造化之奇、實非人力所能勉強、雖然先天與後天、未常不並行而不悖、天機之動、必得人力以濟之、人力者非產母用力之謂也、謂產母之氣血耳、氣血足而胎必順、氣血虧而胎多逆、蓋氣血既虧、則母身自弱、子在胎中、何能獨強、勢必子身怯弱、雖轉頭而往往無力、故破胞而出、此手足之所以先見、當是時、急以針刺兒手足、則兒必驚縮而入、急用轉天湯救之、人參二兩、當歸二兩、川芎五錢、升麻四分、牛膝三錢、附子一分、水煎服、一劑而兒轉身矣、急服二劑、自然順生、此方用人參、歸芎、以補氣血之虧、人盡知其

義、乃用升麻、又用牛膝、附子、恐人未識其妙、蓋兒已身斜、非用提挈、則頭不易轉、然既轉其頭、非用下行、則身不速降、二者並用、非加附子、則不能無經不達、使氣血之迅速推生也。

用轉氣催生

湯亦神

人參二兩、川芎五錢、當歸黃芪龜膏各一兩、升麻旋覆花各一錢、水煎服、一劑、兒即轉身而生矣。

婦人有生產、三四日子已到門、交骨不開、子死而母未亡者、服開交骨之藥不驗、必有死亡之危、今幸不死者、正因其子之死、則胎胞已墮、子母離開、子死而母氣已收、未至同子氣之俱絕也、治法但救其母、不必顧其子矣、然死子在門、塞住其口、亦危道也、仍宜用補血補氣、使氣血兩旺、死子可出矣、倘徒用祛除降墮之劑、以下其子、則子未必下、母先脫矣、方用救母丹、當歸二兩、川芎一兩、人參一兩、荆芥三錢、益母草一兩、赤石脂末一錢。

水煎服一劑子下此方用芎歸以補血用人參以補氣氣血既旺上能升而下能降氣能推而血能送安得有阻滯之憂乎况益母草善下死胎赤石脂復易化痰血自然一湧而齊出耳

用牛膝益母

湯亦效

牛膝三兩益母草一兩水煎服一劑而死子立下矣後用人參當歸各一兩川芎五錢肉桂一錢服之保

無變生也

婦人生產六七日胞水已破子不見下人以爲難產之故也誰知其子已死於腹中乎兒在門邊未死者兒頭必能伸能縮已死者必安然不動也若係未死少拔其髮兒必退入矣若只子死腹中者產母之面必無黑氣母不死也若產母有黑氣現面兼唇黑舌黑者子母兩死既知兒死於腹中而母不死不能用藥以降之亦危道也雖然生產至七日若用霸道之藥其氣血困



乏子下而母且立亡必須仍補其母補母而子可自出矣方用療兒散人參一兩當歸二兩川芎一兩牛膝五錢鬼臼三錢乳香末二錢水煎服一劑而死兒下矣凡兒生必轉其頭原因氣血之虛致兒頭之難轉世人往往用催生之藥耗兒氣血則兒不能通達反致閉悶而死此等之死實醫殺之也所以難產之病斷不可輕用催生之藥一味補氣補血全活嬰兒之命正無窮也此方救兒死之母仍用大補氣血所以救其本也誰知救本正所以催生哉

用參芪救母

湯亦神效

人參黃芪各一兩當歸二兩升麻五分龜板一箇母丁香三枚水煎服一劑而死子下生矣

婦人產數日而胎不下服催生藥皆不效前條曾言交骨難開不知又有氣結而不行者夫交骨不開固是難產然兒頭到門不



能下者，乃交骨之不開也。自宜用開骨之劑。若兒未到門，而不產者，非交骨不開之故也。若開其交骨，則兒門大開，兒頭不轉，必且變出非常，萬萬不可輕開兒門也。大約生產之時，切忌坐草太早，兒未轉頭，原難驟生，乃早於坐草，產婦見兒不下，未免心懷懼恐，恐則神怯，神怯則氣下而不升，氣既下而不升，則上焦閉塞，而氣乃逆矣。上氣既逆，上焦脹滿，氣益難行，氣阻於上下之間，不利氣而催生，則氣愈逆，而胎愈閉矣。治法但利其氣，不必催生，胎自下也。方用舒氣飲，人參一兩，紫蘇三錢，川芎五錢，當歸一兩，陳皮一錢，白芍五錢，牛膝三錢，柴胡八分，水煎服。蔥白七寸，同煎一劑，逆轉兒即下矣。此方利氣而實補氣也。氣逆由於氣虛，氣虛則易於恐懼，補其氣，恐懼自定，恐懼定而氣逆者，不知其何以順也。况方中紫蘇、柴胡、白芍、牛膝之類，無非平肝

疏肺之品，佐人參、芎歸，實有補利之益也。何必開交骨之多事哉。

亦可用歸朮降

胞湯治之

當歸二兩，白朮二兩，柴胡一錢，牛膝三錢，丹皮三錢，紅花五錢，荆芥三錢，益母草五錢，水煎服，一劑即產。又不傷胎。

血暈門  
 婦人甫產後忽眼目昏暈惡心欲吐額上鼻尖有微汗鼻出冷氣  
 神魂外越人以為惡血衝心之患也誰知氣虛欲脫而血暈乎  
 蓋新產之後血已盡傾血舍空虛止存微氣倘其人陽氣素虛  
 則氣怯原不能生血及胎破而心血隨胎而墮則心無血養所  
 望者氣以固之也今氣又虛脫心君無護所剩殘血非正血不  
 可歸經內庭變亂反成血暈之症矣治法必須大補氣血不宜  
 單治血暈也補血以生新血正活血以逐舊血也然血乃有形  
 之物難以速生氣乃無形之物易於迅長補氣以生血不更易  
 於補血以生血乎方用解暈湯荆芥三錢人參一兩當歸一兩  
 炮薑一錢黃芪一兩水煎服一劑暈止二劑心定三劑氣旺四  
 劑血生不再暈也此方實解血暈之聖方凡產後能服此方斷

血暈門

婦人甫產後忽眼目昏暈惡心欲吐額上鼻尖有微汗鼻出冷氣  
 神魂外越人以為惡血衝心之患也誰知氣虛欲脫而血暈乎  
 蓋新產之後血已盡傾血舍空虛止存微氣倘其人陽氣素虛  
 則氣怯原不能生血及胎破而心血隨胎而墮則心無血養所  
 望者氣以固之也今氣又虛脫心君無護所剩殘血非正血不  
 可歸經內庭變亂反成血暈之症矣治法必須大補氣血不宜  
 單治血暈也補血以生新血正活血以逐舊血也然血乃有形  
 之物難以速生氣乃無形之物易於迅長補氣以生血不更易  
 於補血以生血乎方用解暈湯荆芥三錢人參一兩當歸一兩  
 炮薑一錢黃芪一兩水煎服一劑暈止二劑心定三劑氣旺四  
 劑血生不再暈也此方實解血暈之聖方凡產後能服此方斷

辨證錄 卷之十一  
無退母之症，或人參力不能用，減去大半，或少用一二錢，餘如分兩多服數劑，無不奏功也。

用參歸荆芥湯亦效甚

人參一兩，荆芥三錢，當歸一兩，水煎服。

婦人子方下地，即昏暈不語，此氣血雙脫也。本在不救，我受岐天師祕傳，以救萬世產亡之婦。當急用縫衣鍼刺其眉心，心之穴得血出，即出語矣。然後以獨參湯，人參一兩，急煎灌之，無不生者。倘貧家之婦，無力買參，用當歸補血湯，黃芪二兩，當歸一兩，煎湯一碗灌之，亦生。萬不可於二方之中，輕加附子。蓋附子無經不達，反引氣血之藥，走而不守，不能專注於胞胎，不若人參歸芪直救其氣血之絕，聚而不散也。蓋產婦昏暈，全是血舍空虛，無血養心，以致血暈，舌為心之苗，心既無主，舌又安能出聲，眉

心者上通於腦，而下通舌，系則連於心，刺眉心，則腦與舌俱通。心中清氣上升，則瘀血自然下降，然後以參芪當歸補之，則氣血接續，何能死亡乎。雖單用參芪當歸，亦能生者，然終是刺眉心，則萬無一失，瘀血冲心，所以昏暈不語，解其瘀血之冲，真所謂扼要爭奇也。世人但知灸眉之法，誰知刺勝於灸乎。蓋灸緩而刺急，緩則難以救絕，急則易於回生耳。

亦可用參附益母湯治之

人參一兩，附子一錢，益母草二錢，水煎服。此等症，急用一人抱住產母，頭頂心解開，以艾火灸之，必然出聲。然後以參附益母湯救之，多有生者。

婦人有產後三日，發熱惡露不行，敗血攻心，狂言呼叫，甚欲奔走，拏捉不定，人以為邪熱之在胃也。誰知血虛而心無以養乎。產後之血，盡隨胎胞外越，則血室空虛，五臟皆無血養，當是之時，

止心中之血尚存些微以護心也而各臟腑皆欲取給於心心包為心君之相攔絕各臟腑之氣不許入心故心安神定是護心者全藉心包也然心包亦虛倘不能障心各臟腑之氣遂直入心中以分取心血而心包情極既不能顧心又不能禦眾於是大聲疾呼本欲召臟腑以救心而迹反近於狂悖有無可如何之象故病似熱而非實熱也治法大補其心中之血使各臟腑分取之以自養不必再求於心君則心安而心包亦安方用安心湯乾荷葉一片生地黃五錢丹皮五錢當歸二兩川芎一兩生蒲黃二錢水煎調服一劑即定而惡露亦下矣此方用歸芎以補血何又用生地丹皮之涼血似非產後所宜不知惡血奔心未免因虛熱而相犯吾於補中涼之則涼不為害况益之乾荷葉則七竅相通能引邪外出不內害於心轉生蒲黃以分

解惡露也但此方止可暫用一劑以定狂不可多用數劑以取勝不可不慎也

用參歸荆棗益母湯亦效

人參當歸炒棗仁各一兩荆芥益母草各三錢水煎服

胎衣不下，心煩意躁，時欲暈去，人以為胞胎之蒂未斷也，誰知血少乾枯，黏連於腹乎？世見胞衣不下，心懷疑懼，恐其上衝於心，有死厄之兆，然胎衣何能沖於心也！但胞衣未下，則瘀血未免難行，有血暈之虞耳。治法仍大補氣血，使生血以送胎衣，則胎衣自然潤滑，生氣以助生血，則血生迅速，尤易推墮也。方用送胎湯，當歸二兩，川芎五錢，乳香末一錢，益母草一兩，沒藥末一錢，麝香半分，研荆芥三錢，水煎調服，立下。此方以當歸川芎補其氣血，以荆芥引氣血歸經，瘀濁自然迅降，無留滯之苦也。蓋胞衣留腹，有回顧其母胎之心，往往有六七日，不下胞衣，竟不腐爛，正以其有生氣也。可見

胞衣不下

婦人兒已生地，而胞衣尚留於腹，三日不下，心煩意躁，時欲暈去，人以為胞胎之蒂未斷也，誰知血少乾枯，黏連於腹乎？世見胞衣不下，心懷疑懼，恐其上衝於心，有死厄之兆，然胎衣何能沖於心也！但胞衣未下，則瘀血未免難行，有血暈之虞耳。治法仍大補氣血，使生血以送胎衣，則胎衣自然潤滑，生氣以助生血，則血生迅速，尤易推墮也。方用送胎湯，當歸二兩，川芎五錢，乳香末一錢，益母草一兩，沒藥末一錢，麝香半分，研荆芥三錢，水煎調服，立下。此方以當歸川芎補其氣血，以荆芥引氣血歸經，瘀濁自然迅降，無留滯之苦也。蓋胞衣留腹，有回顧其母胎之心，往往有六七日，不下胞衣，竟不腐爛，正以其有生氣也。可見

胎衣在腹不能殺人補之自降也或謂胞衣既有生氣補氣補血則胞衣宜益堅牢何補之反降不知子未下補則益於子子已下補則益於母益子而胞衣之氣連益母而胞衣之氣脫實有不同故此補氣補血乃補各經之氣血以推送之非補胞膜之氣血是以補氣補血而胎衣反降也

用加味佛手

散殊效

當歸二兩川芎一兩益母草五錢乳香末一錢敗龜板一具水煎服一劑即下也

婦人子生五六日胞衣留於腹中百計治之竟不肯下然又絕無煩躁昏暈之狀人以爲瘀血之黏連也誰知氣虛不能推送乎夫瘀血在腹斷無不作祟之理有則必然發暈今安然無恙是血已淨矣血淨宜清氣升而濁氣降今胞胎不下是清氣下陷難升遂至濁氣上浮難降然濁氣上升必有煩躁之病今反安

然者是清濁之氣兩不能升也然則補其氣不無濁氣之上升乎不知清升而濁降者一定之理也苟能於補氣之中仍分其清濁之氣則升清正所以降濁矣方用補中益氣湯人參三錢黃芪一兩當歸五錢升麻三分柴胡三分陳皮一分甘草一分白朮五錢加蘿蔔子五分水煎服一劑胎衣自下夫補中益氣湯補氣之藥即提氣之藥也並非推送之劑何能下胎衣如此之速不知濁氣之下陷者由於清氣之不升也提其氣則清氣升而濁氣自降腹中所存之物無不盡降正不必又去推送之也况方中又加蘿蔔子數分能分理清濁不致兩相杆格此奏功之所以神耳

用加味補血

湯亦神效

黃芪二兩當歸一兩升麻五分益母草三錢水煎服一劑即下

白木正桂枝蘇合香子正合木香  
 黃芩一兩當歸三錢赤芍三錢  
 神曲之類代前五兩以制附子  
 平不以青代而黃芩青一安之  
 然不與前藥之類兩不並代也

產後諸病門

婦人產後小腹疼痛甚則結成一塊手按之益痛此名兒枕痛也  
 夫兒枕者前人謂兒枕頭之物也兒枕之不痛豈兒生不枕而  
 反痛乎是非兒枕可知既非兒枕何故作痛乃瘀血成團未散  
 之故也此等之痛多是健旺之婦血之有餘非血之不足似可  
 用破血之藥然血活則瘀血自除血結則瘀血作祟不補血而  
 敗血雖瘀血可消畢竟耗損血氣不若於補血中行其逐穢之  
 法則瘀血既去氣血又復不傷方用散結安枕湯當歸一兩川  
 芎五錢山查十粒丹皮二錢荆芥二錢益母草三錢桃仁七箇  
 乳香一錢水煎調服一劑痛即止不必再劑此方逐瘀於補血  
 之中消塊於生血之內不專攻痛而其痛自止人一見兒枕之  
 痛動以延胡蘇木蒲黃五靈脂之類以化塊何足論哉

用歸荆安枕

湯亦神

當歸五錢丹皮一錢荆芥三錢  
山查十粒水煎服一劑即止痛

產後小腹痛按之即止人亦以為兒枕之痛也誰知血虛之故乎  
產後亡血過多則血舍空虛原能腹痛但痛實不同如燥糠觸  
體光景此乃虛痛非實痛也凡虛痛宜補而產後之虛痛尤宜  
補惟是血虛之病必須用補血之劑而補血之味大約潤滑居  
多恐與大腸不無相礙然而產後則腸中乾燥潤滑正相宜也  
故補血不特腹中甚安腸中亦甚便耳方用腹寧湯當歸一兩  
續斷二錢阿膠三錢人參三錢麥冬三錢炙甘草一錢山藥三  
錢熟地一兩肉桂二分水煎服一劑痛輕二劑痛止多服更美  
此方補氣補血之藥也然補氣無太甚之憂補血無太滯之害  
氣血既生不必止痛而痛自止矣

用木歸桂草

湯亦神

白木當歸各五錢肉桂五分  
炙甘草一錢水煎服二劑愈

產後氣喘最是危症苟不急治立刻死亡人以為氣血之兩虛也  
誰知氣血之兩脫乎夫氣血既脫人將立死何故又能作喘此  
血已脫而氣猶未脫也血脫欲留而氣又不能留血之脫故氣  
反上喘但其症雖危而可救處正在於作喘肺主氣也喘則肺  
氣若盛而不知是肺氣之衰當是時血雖驟生止存些微之氣  
望肺之相救甚急肺因血失氣實無力難以提挈則氣安保不  
遽脫乎是救氣必須提氣而提氣必須補氣方用救脫活母丹  
人參二兩肉桂一錢當歸一兩麥冬一兩山茱萸五錢熟地一  
兩枸杞子五錢阿膠三錢荆芥炒黑三錢水煎服一劑喘輕二  
劑喘又輕三劑喘平四劑全愈此方用人參以接續元陽然徒



補其氣不補其血則血燥而陽旺雖回陽於一時而不能制陽於永久亦旋得旋失之道也即補其血矣不急補其腎肝之精則水實不固陽將安續乎所以又用熟地茱萸枸杞以補其肝腎之精後益其肺氣則肺氣健旺升提有力也又慮新產之後用補陰之藥賦滯不行加入肉桂以補其命門之火非惟火氣有根易助人參以生氣且能運化地黃之類以化精微也然過於助陽萬一血隨陽動瘀血上行亦非萬全之計更加荆芥引血歸經則肺氣更安喘尤速定也

用蛤蚧救喘丹亦佳

人參二兩熟地二兩麥冬三錢肉桂一錢煎子一錢蛤蚧二錢半夏三分水煎服三劑喘定十劑全

婦產後惡寒惡心身顫發熱作渴人以為產後傷寒也誰知氣血兩虛正不敵邪之故乎凡人正氣不虛則邪斷難入若正氣已

虛原不必戶外之風襲體即一舉一動風即乘虛而入矣雖然產婦風入易而風出亦易凡有外邪俱不必祛風况產婦惡寒者寒由内生非由外進也發熱者熱因內虛非由外實也治其內寒而外寒自散治其內熱而外熱自解矣方用十全大補湯人參三錢黃芪一兩白朮五錢茯苓三錢甘草一錢熟地五錢白芍二錢川芎一錢當歸三錢肉桂一錢水煎服二劑寒熱解身涼矣此方但補其氣血之虛絕不去散風邪之實正以正氣既足邪氣自除况原無邪氣乎所以治之奏功也

用正氣湯

亦效

人參當歸各一兩肉桂炮姜各一錢白朮五錢甘草五分水煎服二劑愈

一產後惡心欲嘔時而作吐人以為胃氣之寒也誰知腎氣之冷乎夫胃為腎之關胃氣寒則胃不能行於腎中腎氣寒則胃亦

不能行於腎內，是胃與腎原不可分為兩治也。惟是產後失血，腎水自涸，宜腎火之炎上，不宜胃有寒冷之虞。何腎寒而胃亦寒乎？蓋新產之餘，其水遽然涸去，其火尚不能生，而寒象自現。治法當補其腎中之火矣。然腎火無水以相濟，則火過於熱，未必不致陰虛火動之虞。必須於火中補火，腎中溫胃，而後腎無太熱之病，胃有既濟之歡也。方用溫胃止嘔湯：人參三錢、橘紅五分、白豆蔻一粒、巴戟天一兩、白朮一兩、茯苓一錢、炮薑一錢、熟地五錢、山茱萸五錢，水煎服。一劑吐止，二劑不再吐也。四劑全愈。此方治胃之藥，多於治腎，然治腎仍是治胃，所以胃氣升騰，寒氣盡散，不必用大熱之味，以溫胃而祛寒也。

用全母湯

亦神

白朮人參熟地各一兩，肉桂二錢，炮薑五分，丁香五分，山藥五錢，水煎服。一劑即止嘔吐。

產後腸下者，亦危症也。人以為兒門不關之故，誰知氣虛下陷，而不收乎？夫氣虛下陷，宜用升提之藥，以提氣矣。然而新產之婦，恐有瘀血在腹，若提氣併瘀血亦隨之而上升，則衝心之症，又恐變出非常，是不可竟提其氣，補其氣則氣旺，而腸自升，惟是補氣之藥少，則氣衰力薄，難以上升，必須多用，則陽旺力大，而豈能終降耶？方用升腸飲：人參一兩、黃芪一兩、白朮五錢、當歸一兩、川芎三錢、升麻一分，水煎服。一劑而腸升矣。此方純乎補氣，絕不去升腸，即加升麻之一分，但引氣而不引血，蓋升麻少用，則氣升，多用則血升也。

產後半月，血崩昏暈，目見鬼神，人以為惡血沖心也。誰知不慎於房幃乎？夫產後半月，其氣血雖不比初產之一二日，然氣血新生，未能全復，即血路已淨，而胞胎之傷損如故，斷不可輕易交

合以重傷其門戶、今血崩而至昏暈、且目見鬼神、是心腎兩傷、不止、損壞胞胎門戶已也、明是既犯色戒、又加酣戰、以致大泄其精、精泄而神亦脫矣、此等之症、多不可救、然於不可救之中、思一急救之法、舍大補其氣、無別法也、方用救敗求生湯、人參三兩、熟地一兩、當歸二兩、川芎五錢、白朮二兩、附子一錢、山茱萸五錢、山藥五錢、棗仁五錢、水煎服、一劑神定、再劑必暈止、而血亦止、否則不可救矣、倘一服見效、連服三劑、減半、再服十劑、可慶更生、此方補氣、回元陽於無何有之鄉、陽回而氣回矣、氣回可以攝血以歸神、可以生精以續命、不必治暈、而暈除、不必止崩、而崩斷也。

用救死丹治

之亦可

黃芪二兩、巴戟天一兩、附子一錢、白朮一兩、兔絲子一兩、北五味一錢、水煎服、一劑神定、便有生機、可再

服也否  
則不救

婦人生產之時、因收生之婆手入產門、損傷尿胞、因致淋漓不止、欲少忍、須臾而不能、人以爲胞破、不能再補也、夫破傷在皮膚者、尚可完補、豈破傷在腹、獨不可治療乎、試思瘡瘍之毒、大有缺陷、尚可服藥以長肉、况收生不謹、少有傷損、並無惡毒、何難補其缺陷耶、方用完胞飲、人參一兩、白朮一兩、當歸一兩、川芎五錢、桃仁十粒、黃芪五錢、茯苓三錢、紅花一錢、白芨末一錢、益母草三錢、以猪羊胞先煎湯、後熬藥、饑服二十日、全愈、蓋生產致收生之婆、以手探胞、其難產必矣、難產者因氣血之虛也、因虛而損、復因損而虛、不補其氣血、而脬破、何以重完乎、今大補氣血、則精神驟長、氣血再造、少有損傷、何難完補、故旬日之內、即便成功耳。

用補胞散  
亦神效

人參二兩、黃芪一兩、麥冬一兩、白朮四兩、穿山甲三片、陳土炒鬆研細末、象皮三錢、人身懷之研細末、龍骨醋煨研末、水煎藥汁一碗、空腹將三味調服、即熟睡之愈久愈效、不須三服全愈、真神方也。

婦有產子之後、四肢浮腫、寒熱往來、氣喘咳嗽、胃膈不利、口吐酸水、兩脇疼痛、人以為敗血流入經絡、滲入四肢、以致氣逆也。誰知腎肝兩虛、陰不能入於陽乎。夫婦當產後、氣血大虧、自然腎水不足、腎火沸騰、水不足則不能養肝、而肝木大燥、木中無津、火發於木、而腎火有黨、子母兩焚、將火焰直沖而上、金受火刑、力難制肝、而咳嗽喘滿之病生。肝火既旺、必尅脾土、土衰不能制水、而浮腫之病出。然而肝火之旺、乃假旺非真旺也。假旺者、氣若盛而實衰、故時熱時寒、往來無定、非真熱真寒、是以氣逆於胃膈而不舒、兩脅者、尤肝之部位也。酸乃肝木之味、吐酸脅

痛、皆肝虛而腎不能榮之故也。治法補血養肝、更宜補其精、以生血、精足而血亦足、血足而氣自順矣。方用人參三錢、熟地一兩、山茱萸三錢、白芍五錢、當歸五錢、破故紙、茯苓、芡實各三錢、山藥五錢、柴胡五分、白朮三錢、水煎服。方名轉氣湯。方中多是補精補血之品、何名為轉氣耶。不知氣逆由於氣虛、氣虛者腎肝之氣虛也。今補其腎肝之精血、即所以補其腎肝之氣也。氣虛則逆氣旺、有不順者乎。是補氣即轉氣也。氣轉而各症盡愈、陰入於陽、而陽無杆格之虞矣。

用歸氣救產  
湯亦效

人參三錢、熟地五錢、白芍二錢、茯苓一錢、山藥五錢、白朮五錢、柴胡三分、砂仁一粒、水煎服。

婦人產後、水道中出肉線一條、長三四尺、動之則痛欲絕、此帶脉之虛脫也。夫帶脉束於任督之脉、任前而督後、兩脉有力、則帶

脉堅牢、兩脉無力、則帶脉崩墮、產後亡血過多、無血以養任督、而帶脉崩墮、力難升舉、故隨溺而隨下也、帶脉下垂、每作痛於腰臍、况下墮而出於產門、其失於關鍵也、更甚、安得不疼痛欲絕哉、治法大補其任督之氣、則帶脉自升矣、方用兩收丹、白朮二兩、人參一兩、川芎三錢、巴戟天三錢、山藥一兩、芡實一兩、白果十枚、篇豆五錢、杜仲五錢、熟地二兩、山茱萸四錢、水煎服、一劑收半、再劑全收、此方補任督、而仍補腰臍者、以任督之脉聯於腰臍、補任督而不補腰臍、則任督無力、而帶脉何以升舉哉、惟兼補之、任督得腰臍之助、則兩脉氣旺、何難收帶於頃刻乎、

用收帶湯

亦效

白朮杜仲人參各一兩、荆芥二錢、水煎服一劑、即收大半、二劑全收、亦不痛也

婦人產後、陰戶內一物垂下、其形如帕、或有角、或二岐、入以為產

頽也、誰知肝痿之病乎、夫產後何以成肝痿也、蓋因產前勞役傷氣、又觸動惱怒、產後肝不藏血、血亡過多、故肝之脂膜、隨血崩墮、其實非子宮也、若子宮下墮、狀如茄子、止到產門、不越出產門之外、肝之脂膜、往往出產門者、至六七寸許、且有黏席乾落者、一片如掌大、使子宮墮落、人且立死矣、安得重生乎、治法大補其氣血、而少用升提之法、則脾氣旺而易升、肝血旺而易養、脂膜不收、而自收矣、方用收脂湯、黃芪一兩、人參五錢、白朮五錢、升麻一錢、當歸三錢、白芍五錢、水煎服、一劑即收、或疑產婦禁用白芍、何以頻用奏功、嗟乎、白芍原不可頻用也、然而病在肝者、不可不用、况用之於大補氣血之中、在芍藥亦忘其酸收矣、何能作祟乎、且脂膜下墮、正藉酸收之味、助升麻以提氣血、所以無過、而反能奏功耳、

用葳蕤收陰

湯亦效

葳蕤二兩、人參一兩、白芍三錢、當歸一兩、柴胡五分、水煎服、四劑愈、十劑全愈。

### 下乳門

婦人產後數日、絕無點滴之乳、人以為乳管之閉也、誰知氣血之涸乎、夫無血不能生乳、而無氣亦不能生乳、乳者氣血所化也、然二者之中、血之化乳、又不若氣之化乳為速、新產之後、血已大虧、生血不遑、何能生乳、全藉氣以行血、而成乳也、今數日乳不下、血誠少而氣尤微、世人不知補氣之妙、一味通乳、無氣則血從何生、無血則乳從何化、不幾向乞人而求食、問貧兒而索金耶、治法補其氣以生血、不可利其竅而通乳也、方用通乳丹、人參一兩、當歸二兩、麥冬五錢、黃芪一兩、猪蹄二箇、木通三分、桔梗三分、水煎服、二劑而乳如泉流矣、此方但補氣血以生乳、正以乳生於氣血也。

用化乳丹

亦佳

當歸熟地黃芪各一兩麥冬三錢山茱萸四錢川山  
甲一片兔絲子五錢枸杞子三錢水煎服連用四劑  
即多乳矣

有壯婦生產後數日或聞丈夫之嫌或聽公姑之碎遂至兩乳脹  
滿作痛乳汁不通人以爲陽明之火也誰知肝氣之鬱結哉夫  
陽明多氣多血之腑乳汁之化原屬陽明然而陽明屬土必得  
肝木之氣相通則稼穡作甘始成乳汁未可全責之陽明也壯  
婦產後雖亡血過多而氣實未衰乳汁之化全在氣而不盡在  
血也今產數日而兩乳脹滿作痛是欲化乳而不可得明是有  
鬱而肝氣不揚陽明之土氣亦因之同鬱木土不相合而相鬱  
安得而化乳哉治法大抒其肝木之氣則陽明之氣血自通不  
必通乳而乳自通也方用通肝生乳湯白芍五錢當歸五錢麥  
冬五錢通草一錢柴胡二錢白朮五錢甘草三分熟地一兩遠

志一錢水煎服一劑即通此方藥味太重治產婦似乎不宜不  
知健婦抱鬱不妨權宜用之若非少壯之女雖因鬱少乳不可  
全用減半治之亦不全失又在臨症時裁酌之也

用生汁湯

亦然

當歸二兩川芎四錢通草一錢柴胡五分麥冬四錢  
白朮五錢甘草三分熟地一兩水煎服四劑必大通

